

MTB-MLE

Napapanahong Alternatibong Tulay sa Pagkatuto

Modyul sa MTB- MLE 1

Ikalawang Kuwarter

MODYUL 1: UNANG BAITANG IKALAWANG MARKAHAN-UNANG LINGGO PANGHALIP



MAIKLING PAGPAPAKILALA SA ARALIN

Ang **Panghalip** (Pronoun) ay mga salitang ipinapalit o inihahalili sa Pangngalan (Noun) upang mabawasan ang paulit-ulit na pagbanggit sa Pangngalan na hindi magandang pakinggan. **Panghalip Panao** ang tawag sa Panghalip na ipinapalit sa ngalan ng tao.

Mga Halimbawa ng Panghalip Panao

Ako	Ginagamit bilang pamalit sa ngalan ng taong nagsasalita
Siya	Ginagamit bilang pamalit sa ngalan ng isang taong pinag-uusapan.
Ikaw	Ginagamit bilang pamalit sa ngalan ng isang taong kausap.
Kami	Ginagamit bilang pamalit sa ngalan ng taong nagsasalita at kanyang mga kasama.
Tayo	Ginagamit bilang pamalit sa ngalan ng taong

	nagsasalita at kanyang kausap/ mga kausap.
Sila	Ginagamit bilang pamalit sa ngalan ng dalawa o higit pang taong pinag-uusapan.
Kayo	Ginagamit bilang pamalit sa ngalan ng dalawa o higit pa na taong kausap.

Panghalip Paari ang tawag sa mga salitang ipinamamalit o inihahalili sa pangngalan ng taong nagmamay-ari ng bagay. Ang mga halimbawa nito sa isahan ay **akin, iyo, kanya**. Sa maramihan naman ay **atin, amin, inyo at kanila**.

Panuto: Isulat sa sagutang papel ang ginamit na Panghalip Pano sa bawat pangungusap.

- _____ 1. Ikaw ay aking kaibigan.
- _____ 2. Ang laruan ba ay kanya?
- _____ 3. Kanila ang mga damit sa loob ng kahon.
- _____ 4. Kumakain ba kayo ng gulay?
- _____ 5. Pupunta tayo sa palaruan kapag huminto ang ulan mamaya.



TANDAAN

- ❖ Panghalip Pano ang tawag sa mga salita na ipinapalit sa ngalan ng tao.
- ❖ Panghalip Paari ang tawag sa salitang ipinapalit sa ngalan ng taong nagmamay-ari ng bagay.